

Sapientia Dei in populo electo inhabitavit.

Léctio libri Sirácide

24, 1-4. 12-16

¹ **S**apiéntia laudábit ánimam suam
et in Deo honorábitur
et in médio pópuli sui gloriábitur
² et in ecclésiis Altíssimi apériet os suum
et in conspéctu virtútis illíus gloriábitur
³ et in médio pópuli sui exaltábitur
et in plenitúdine sancta admirábitur
⁴ et in multitudíne electórum habébit laudem
et inter benedíctos benedicétur.

[5-11]

¹² Præcépít et dixít mihi Creátor ómnium
et, qui creávit me, requiévit in tabernáculo meo
¹³ et dixít mihi:
“In Iacob inhábíta et in Israel hereditáre
et in eléctis meis mitte radíces” .
¹⁴ Ab inítio ante sáecula creáta sum
et usque ad futúrum sáeculum non désinam.
¹⁵ Et in tabernáculo sancto coram ipso ministrávi,
et sic in Sion firmáta sum
et in civitáte simíliter dilécta requiévi,
et in Ierúsalem potéstas mea.
¹⁶ Et radicávi in pópulo honorificáto
et in parte Dómini, in hereditáte illíus,
et in plenitúdine sanctórum deténtio mea.

Verbum Dómini.